



Na osnovu člana 70. stav (1) i stav (3), a u vezi sa članom 69. stav (1) tačka a) Zakona o javnim nabavkama ("Službene novine BiH", broj: 39/14), na prijedlog Komisije iz Zapisnika za pregled i ocjenu ponuda broj: 05-25-11117-8/18 od 10.08.2018. godine, u postupku javne nabavke po konkurentskom zahtjevu za dostavljanje ponuda za nabavku radova „Kanalizaciona mreža za dio područja uz ulicu Mehmed Spaho, dijela naselja Vučjak i naselja Dragovac, općina Zavidovići broj: 05-25-11117/18 od 06.07.2018 godine, ministar Ministarstva za poljoprivredu, šumarstvo i vodoprivredu, donio je

O D L U K U

o izboru najpovoljnijeg ponuđača za nabavku radova- „Kanalizaciona mreža za dio područja uz ulicu Mehmed Spaho, dijela naselja Vučjak i naselja Dragovac, općina Zavidovići“

Prihvata se prijedlog Komisije za javne nabavke iz Zapisnika za pregled i ocjenu ponuda broj: 05-25-11117-8/18 od 10.08.2018. godine i ugovor za nabavku radova- „Kanalizaciona mreža za dio područja uz ulicu Mehmed Spaho, dijela naselja Vučjak i naselja Dragovac, općina Zavidovići“, dodjeljuje se ponuđaču GP „HELDOVAC“ d.o.o. Žepče, sa ponudnom cijenom od 19.994,00 KM bez PDV-a, kao najbolje ocijenjenom ponuđaču.

II

Prijedlog ugovora o nabavci radova iz tačke I. ove Odluke dostavit će se na potpis izabranom ponuđaču GP „HELDOVAC“ d.o.o. Žepče, po proteku roka od 10 (deset) dana računajući od dana zaprimanja ove odluke.

III

Ova odluka objavit će se na web-stranici Zeničko-dobojskog kantona – www.zdk.ba, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

IV

Ova odluka stupa na snagu danom donošenja i dostavlja ponuđaču koji su učestvovao u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11117/18 od 06.07.2018 godine i imenovanjem Komisije za javnu nabavku rješenjem broj: 05-25-11117-1/18 od 06.07.2018 godine

Javna nabavka je provedena po konkurentskom zahtjevu za dostavljanje ponuda po kriteriju najniža cijena. Procijenjena vrijednost javne nabavke bez PDV-a iznosi 17.094,00 KM. Obavještenje o nabavci broj: 455-7-3-10-3-15/18 objavljeno je dana 12.07.2018. godine na Portalu javnih nabavki. U ostavljenom roku, na adresu Ugovornog organa za predmetnu nabavku radova blagovremeno je pristigla jedna ponuda, i to ponude ponuđača „GP „HELDOVAC“ d.o.o. Žepče.

Komisija za javnu nabavku (u daljem tekstu: Komisija) u zakazano vrijeme dana 02.08.2018. godine sačinila je Zapisnik o otvaranju ponuda. Nakon otvaranja ponuda, Komisija je sačinila Zapisnik o pregledu i ocjeni ponuda broj: 05-25-11117-8/18 od 10.08.2018. godine u kojem je konstatovala da je pristigla ponuda ponuđača GP „HELDOVAC“ d.o.o. Žepče prihvatljiva, ispunjavaju uslove postavljene u predmetnoj tenderskoj dokumentaciji i predložila Ugovornom organu mogućnost da poništi postupak ove javne nabavke u skladu sa odredbom člana 69. stav (2) tačka e) jer cijena prihvatljive ponude prelazi iznos procijenjene vrijednosti javne nabavke ili da shodno odredbi člana

70. donese odluku o izboru najpovoljnije ponude i ugovor u ovoj javnoj nabavci dodijeli ponuđaču GP „HELDOVAC“ d.o.o. Žepče.

U postupku donošenja ove odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijima iz predmetne tenderske dokumentacije. U postupku ocjene provedenog postupka, nisu evidentirane nepravilnosti niti propusti u radu, koji bi eventualno bili osnov za neprihvatanje preporuke Komisije.

Uvidom u priloženu dokumentaciju nesporno je da cijena ponude sa iznosom od 19.994,00 KM bez PDV-a izabranog ponuđača prelazi procijenjenu vrijednost ove javne nabavke koja iznosi 17.094,00 KM. Ugovorni organ za ovu javnu nabavku će iz Programa utroška vodnih naknada za 2018. godinu obezbijediti razliku sredstva za iznos koji je veći u odnosu na procijenjenu vrijednost ove javne nabavke.

Iz navedenih razloga, primjenom člana 64. stav 1. tačka b) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, ima pravo uložiti žalbu na postupak u pisanoj formi u roku od 5 (pet) dana po prijemu odluke o izboru najpovoljnijeg ponuđača. Žalba se izjavljuje Uredu za razmatranje žalbi BiH, a putem ugovornog organa u pisanoj formi direktno, u elektronskoj formi ili preporučenom pošiljkom. Žalba se podnosi u najmanje 3 (tri) primjerka.

Broj: 05-25-11117-9/18
Datum, 14.08.2018. godine
Zenica

DOSTAVLJENO:
1x „GP „HELDOVAC“ d.o.o. Žepče
1x a/a.



MINISTAR

Elmizo Smajic



Bosna i Hercegovina, Zenica, Kučukovići br.2 .
Telefon: 032/460-750, 460-751; Fax: 032/460-752
e-mail: min.poljoprivreda@zdk.ba
www.zdk.ba